

eodem temporis tractu pretio acquisiverat. (ll) Dorothea Georgii Neydeckii filia N. de Dechsenbeck nuptui data futuræ agnatorum successioni renunciavit Anno 1448. (mm) Georgius Pibracher ex Carinthiæ Equestri Ordine, ducta Radigunda Johannis de Neydeck filia Anno 1453. de dote ab uxore illata si eam absque prole decedere contigerit, Neydeckiis restituenda, cautionem obtulit. (nn) Elisabetha de Thurn Johannis Neydeckii filia accepta consveta dote Paternæ Fraternæque hæreditati Anno 1460. renunciavit. (oo) Ursula Erhardi de Neydeck gnata Matthiæ de Spaur in manuum venit, dotemque à Fratribus Sigismundo & Achatio de Neydeck se accepisse Anno 1473. professa est. (pp) Martinus & Fridericus Fratres de Neydeck diviserunt bona Paterna Johannis Neydeckii Anno 1476. (qq) Fridericus IV. Imperator Dorotheæ Achatii de Neydeck uxori, quæ ab eo medietatem castri Schmallenburg emerat, evictionem se eo nomine præstiturum solenni Instrumento Anno 1482. pollicitus est. (rr) Praxedis de Lamberg Achatii de Neydeck Uxor in favorem Mariti Anno 1494. testamentum condidit. (ss) Georgius de Neydeck à Maximiliano I. Imperatore Cancellarius Austriæ constitutus Anno 1502. Sigillum Imperiale accepit, deinde ad fastigium Episcopi & Principis Tridentini evectus est, Cæsarisque nomine Civitati Veronensi summo cum Imperio præfuit, mortalitatemque An: 1519. explevit. (tt)

(a) *Valvasor Chronico Carniol. lib. 11. pag. 397.* (b) *Prevenhueber in Chronic. MSC. Civitat. Steyer pag. 90.* (c) *Archivum Statuum Austriæ num. 323.* (d) *Ibi num. 449.* (e) *Ibi num. 736.* (f) *Ibi num. 1608.* (g) *Ibi num. 1663.* (h) *Ibi num. 2066.* (i) *Ibi num. 2076.* (k) *Ibi num. 2484.* (l) *Ibi num. 2491.* (m) *Ibi num. 2555.* (n) *Ibi num. 2557.* (o) *Ibi num. 3024.* (p) *Ibi num. 3025.* (q) *Ibi num. 3379.* (r) *Ibi num. 3482.* (s) *Ibi num. 3487.* (t) *Ibi num. 3619.* (u) *Ibi num. 3784.* (x) *Archiv. Neydeckianum.* (y) *Ibi.* (z) *Ibi.* (aa) *Ibi.* (bb) *Ibi.* (cc) *Ibi.* (dd) *Ibi.* (ee) *Ibi.* (ff) *Ibi.* (gg) *Ibi.* (hh) *Ibi.* (ii) *Ibi.* (kk) *Ibi.* (ll) *Ibi.* (mm) *Ibi.* (nn) *Ibi.* (oo) *Ibi.* (pp) *Ibi.* (qq) *Ibi.* (rr) *Ibi.* (ss) *Ibi.* (tt) *Ibi.*

CAPUT XLIX.

BARONES SHIFFERI.

Illustris hæc Prosapia antiquitate & meritis in Austria Superiore conspicua est. Bucelinus Parte III. German. Stemmatograph. à Ludovico Schiffer qui Anno 1200. vixerit, Genealogiam orditur, ejus Nepos Rudolphus celebre templum & nosocomium in urbe Efferdinga Austriæ Superioris Anno 1325. ad-

K k

hibito